


水經注卷七



漢 桑 欽 撰

後魏酈道元注

濟水一 冀州 入海為北戎之第二濟

濟水出河東垣縣東王屋山為沅水

山海經曰聯水出焉西北流注于秦澤郭景純云

聯沅聲相近即沅水也 秦澤 山海經作秦澤 聯作 聯音輦 史記夏紀兗州作

沅州 沅當讀如 兗 相近 潛行地下至共山南復出于東丘

兗北有東丘城孔安國曰泉源為沅流去

秋說題辭曰濟齊也齊度也員 一作也 風 貞

俗通曰濟出常山房子縣贊皇山廟在東郡臨邑

縣濟齊其度量也余按二濟同名也所出不同鄉

源亦別斯乃應氏之非矣今濟水重源出溫城西

北平地水有二源東源出原城城東北昔晉文公

伐原以信而原降即此城也俗以濟水重源所發

因復謂之濟源城其水南逕其城東故縣之原鄉

杜預曰沅水縣西北有原城者是南流與西源

合而源出原城西東沅水注之水出西南東北流

沅水當作沅

何改西源作同

注于濟濟水又東逕原城南東合北水亂流東南
注分爲二水一水東南流俗謂之爲衍水卽沅水
也衍沅聲相近傳呼失實也濟水又東南逕郟城
北而出於溫矣其一水枝津南流注于溲音水出
原城西北原山勳掌谷俗謂之爲白澗水南逕原
城西春秋會于溲梁謂是水之墳梁也爾雅曰梁
莫大于溲梁梁水堤也溲水又東南逕陽城東與
南源合水出陽城南溪陽亦樊也一曰陽樊國語
曰王以陽樊賜晉陽人不服文公圍之舍葛曰陽

水經注

卷七

一

有夏商之嗣典樊仲之官守焉君而殘之無乃不
可乎公乃出陽人春秋樊氏叛惠王使虢公伐樊
執仲皮歸于京師卽此城也其水東北流與漫流
水合水出軹關南東北流又北注于漫謂之漫流
口溲水又東合北水亂流東南空會濟水枝渠溲
水又東逕鍾絲塢北世謂之鍾公壘又東南塗溝
水注之水出軹縣西南山下北流東轉入軹縣故
城中又屈而北流出軹郭漢文帝元年封薄昭爲
侯國也又東北流注于溲溲水又東北逕潁縣故

城北漢高帝封公上不害爲侯國。潁水又東南流。天漿水澗水注之。水出軹南畢向城北。在畢上。俗謂之韓王城。非也。京相璠曰。或云今河內軹西有地名向。今無。杜元凱春秋釋地亦言是矣。蓋相襲之向。故不得以地名而無城也。闕駟十三州志曰。軹縣南山西曲有故向城。卽周向國也。傳曰。向姜不安于莒而歸者矣。汲郡竹書紀年曰。鄭侯使韓辰歸晉陽。及向二月。城陽向更名陽。爲河雍。向爲高平。卽是城也。其水有二源。俱導各出一溪。東北

水經注

卷七

三

流合爲一川。名曰天漿溪。又東北逕一故城。俗謂之治城。亦曰治水。又東流注于潁。潁水又東南流。右會同水。水出南源下。東北流逕白騎塢。南塢在原上。爲二谿之會。北帶深隍。三面岨嶮。唯西版築而已。東北流逕安國城。西又東北注潁水。潁水東南逕安國城。東又南逕毋辟邑。西世謂之無比城。亦曰馬髀城。皆非也。朝廷以居廢太子。謂之河陽庶人也。潁水又南注于河也。

又東至溫縣西北爲濟水。又東過其縣北。

濟水於溫城西北與故瀆分南逕溫縣故城西周

畿內國司寇蘇忿生之邑也春秋僖公十年秋宋本

作滅溫溫子奔衛周襄王以賜晉文公濟水南歷

號公臺西皇覽曰溫城南有號公臺基趾尚存濟

水南流注于河郭緣生述征記曰濟河內溫縣注

于河蓋公歷之實證非為謬說也濟水故瀆於溫

城西北東南出逕溫城北又東逕號公冢北皇覽

曰號公冢堆宋本溫縣郭東濟水南大冢是也濟

水當王莽之世川瀆枯竭其後水流逕通津渠勢

水經注

卷七

四

改尋梁脉水不與昔同梁故瀆

屈從縣東南流過墳城西又南當鞏縣北南入于河

濟水故瀆東南合奉溝水水上承朱溝於野王城

西東南逕陽鄉城北又東南流逕陽鄉城北又東

南逕李城西秦攻趙邯鄲且降傅舍吏子李同說

平原君勝分家財饗士得敢死者三千人李同與

赴秦軍秦軍退李同死封其父為李侯故徐廣曰

河內平旱縣有李城即此城也於城西南為陂水

淹地百許頃蒹葭萑葦生焉號曰李陂又逕墳城

西屈而東北流逕其城北又東逕平臯城南應劭
曰邢侯自襄國徙此當齊桓公時衛人伐邢邢遷
于夷儀其地屬晉號曰邢丘以其在河之臯處勢
平夷故曰平臯瓚注漢書云春秋狄人伐邢邢遷
夷儀不至此今襄國西有夷儀城去襄國一百餘
里邢是丘名舊本作平臯是邢丘非國也余案春秋宣公六
年赤狄伐晉圍邢丘昔晉侯送女於楚送之邢丘
卽是此處也非無城之言竹書紀年曰梁惠成王
二年鄭城邢丘司馬彪後漢郡國志云縣有邢丘

水經注

卷七

五

故邢國周公子所封矣漢高帝六年封碭郡長項
伯爲侯國賜姓劉氏武帝以爲縣其水又南注于
河也

與河合流又東過成臯縣北又東過滎陽縣北又東
至北礫礫南東出過滎陽北

釋名曰濟濟也源出河北濟河而南也晉地道志
曰濟自大伾入河與河水鬪南洑爲滎澤尚書曰
滎波旣豬孔安國曰滎波水以成豬鬪駟曰滎波
蟠音澤名也故呂忱云蟠水在滎陽謂是水也昔

譚云無學藝
人不能治水
遊學藝人亦
不能治水

大禹塞其淫水而於滎陽下引河東南以通淮泗
濟水分河東南流漢明帝之世司空伏恭薦樂浪
人王景字仲通好學多藝善能治水顯宗詔與謁
者王昊始作浚儀渠昊用景法水乃不害此即景
作所修故瀆也渠流東注浚儀故復謂之浚儀渠
也明帝永平十五年東巡至無鹽帝嘉景功拜河
隄謁者漢靈帝建寧四年於敖城西北壘石為門
以遏渠口謂之石門故世亦謂之石門水門廣十
餘丈西去河三里石銘云建寧四年十一月黃場

水經注

卷七

六

石也而主吏姓名磨滅不可復識

玉海二十一卷內引水經注云

浚儀縣竹書紀年梁惠成王三十一年三月為大溝於北郭以行圃田之水陳留風俗傳曰縣北有浚水像而儀之故曰浚儀續述征記曰汴河到浚儀而分汴東注河南流建寧四年於敖城西北壘石為門以遏渠口謂之石門故世亦謂之石門水門廣十餘丈西去河三里石銘云建寧四年十一月黃場石魏太和中又更修之撤故增新石字淪落無

復在者水北有石門亭戴延之所云新築城周城

三百步滎陽太守所鎮者也水南帶三山自皇室

山一作三皇山

亦謂之為三室山也

郡國志注引西征記云滎陽有廣武

城在三皇山上或謂之三室山上有二城曰東廣武西廣武各在山一頭相去二百餘步

濟水又東逕西廣武城北

郡國志滎陽縣有廣武城城在山上漢所城也高祖與項羽臨絕澗對語責羽十罪羽射漢祖中胸處也山下有水北流入濟世謂之柳泉也

濟水又東逕東廣武城北

楚項羽城之漢破曹咎羽還廣武為高祖置太公其上曰漢不下吾烹之高祖不聽將害之項伯曰為天下者不顧家但益怨耳羽從之今名其壇曰項羽堆夾城之間有絕澗斷山謂之廣武澗項羽

水經注

卷七

七

叱婁煩於其上婁煩精魄喪歸矣

濟水又東逕敖山北

詩所謂薄狩于敖者也其山上有城即殷帝仲丁之所遷也皇甫謐帝王世紀曰仲丁自亳徙囂于河上者也或曰敖矣秦置倉於其中故亦曰敖倉城也

濟水又東合滎澤

雜指當作濟

濟水受河水有石門謂之為滎口石門也而地形

雜指作首

殊卑蓋故滎播

昔作滎波

所道自此始也門南際河有

善治水何王
氏之多禹才
地

米云東南北
三字錯用便
不見板

故碑云惟陽嘉三年二月丁丑使河堤謁者王

疏達河川述疑作荒庶土云大河衝塞侵齧金堤

以竹籠石葦葺土而為過壞墮無已功消億萬請

以濱河郡徒疏山采石壘以為鄣功業既就徭役

用息未詳玉海二十一卷內引此文無未詳二字疑衍詔書許誨立功

府鄉規基經始詔策疑作加命遷在沅州乃簡朱

軒授使司馬登令纘茂前緒稱遂休功登以伊洛

合注大河南則緣山東過大伾回流北岸其勢鬱

濛濤怒湍急激疾一有決溢彌原淹野蟻孔之變

水經注

卷七

害起不測蓋自姬氏之所常感昔崇鮪所不能治

我二宗之所勛勞於是乃跋涉躬親經之營之比

率百姓議之于臣伐石三谷水匠致治立激岸側

以捍鴻波隨時慶賜說以勸之川無滯越水土通

演役未踰年而功程有畢斯乃元勲之嘉課上德

之弘表也昔禹修九道書錄其功后稷躬稼詩列

于雅夫不憚勞謙之勤夙興厥職克國惠民安得

湮沒而不章焉故遂刊石記功垂示于後其辭云

云使河堤謁者山陽東昏司馬登字伯志代東萊

諱云碑文并
姓氏全載亦

推功重才

之意

典城王誨字孟堅河內太守宋城向豹字伯尹丞
汝南鄧方字德山懷令劉丞字季意河堤掾匠等
造陳留浚儀邊韶字孝先頌石銘歲遠字多淪缺
其所滅蓋闕如也榮瀆又東南流注于浦今無水
次東得宿須水口水受大河渠側有扈城水自亭
東南流注于濟水今無水宿須在河之北不在此
也蓋名同耳自西緣帶山隰秦漢以來亦有通否
濟水與河渾濤東注晉太和中桓溫北伐將通之
不果而還義熙十三年劉公西征又命寧朔將軍

水經注

卷七

九

劉遵考仍此渠而漕之始有激湍東注而終山崩
壅塞劉公於北十里更鑿故渠通之合則南瀆通
津川澗是導耳濟水於此又兼邲目春秋宣公十
三年晉楚之戰楚軍於邲卽是水也昔卞京相璠
曰在敖北

濟水又東逕滎陽縣北

曹太祖與徐榮戰不利曹洪授馬於此處也

濟水又東南礫石溪水注之

水出滎陽城西南李澤中有水卽古馮池也地

理志曰滎陽縣馮池在西南是也東北流歷敖山
南春秋晉楚之戰設伏于敖前謂是也逕號亭北
池水又東北逕滎陽縣北斷山東北注于濟世謂
之礫石澗卽經所謂礫溪矣經云濟出其南非也
濟水又東索水注之

水出京縣西南嵩渚山與東關分水卽古旃水也
其水東北流器難之水注之山海經曰小涇之山
器難之水出焉而北流注于侵水卽此水也其水
北流逕金亭又北逕京縣故城西入于旃然之水

水經注

卷七

十

城故鄭邑也莊公以居弟段號京城大叔祭仲曰
藪城過百雉國之害也城北有壇山置趙世家成
侯二十年魏獻滎陽因以爲壇臺置也其水亂流
北逕小索亭西京相璠曰京有小索亭世語以爲
本索氏兄弟居此故號小索者也又爲索水索水
又北逕大柵城東晉滎陽民張卓董邁等遭荒鳩
聚流離堡固名爲大柵塢至太平真君年潁州刺
史崔白自虎牢移州治此又東開廣舊城創制改
築焉太和十七年遷都洛邑省州置郡索水又屈

而西流與梧桐澗水合水出西南梧桐谷東北流注于索斯水亦時有通塞而不常流也索水又北屈東逕大索城南春秋傳曰鄭子皮勞叔向於索水卽此城也晉地道志所謂京有大索小索亭漢書京索之間也索水又東逕號亭南應劭曰滎陽故號公之國也今號亭是矣故馬淵郡國志曰縣有號亭俗謂之平眺城城內有大冢名管叔冢或亦謂之爲號眺城非也蓋號號字相類字轉失實也風俗通曰俗說高祖與項羽戰於京索遁於薄

水經注

卷七

十一

中羽追求之時鳩止鳴其上追之者以爲必無人遂得脫及卽位異此鳩故作鳩杖以扶老案廣志楚鳩一名嘑啁號眺之名蓋因鳩以起目焉所未詳也索水又東北流須水右入焉水近出京城東北二里榆子溝亦曰柰榆溝也又亦或謂之爲小索水東北流水蓼溝水注之水上承京城南淵世謂之車輪淵淵水東北流謂之木蓼溝又東北入于須水須水又東北流於滎陽城西南北注索索水又東逕滎陽縣故城南漢王之困滎陽也紀信

宋六鳩名嘑
淵哥又因嘑
別而證號眺
牽合得妙

曰臣詐降楚王宜間出信乃乘王車出東門稱漢
降楚楚軍稱萬歲震動天地王與數十騎出西門
得免楚圍羽見信大怒遂烹之信冢在城西北三
里故蔡伯喈述征賦曰過漢祖之所隘弔紀信於
滎陽其城跨倚岡原居山之陽王莽立爲新隊備
周六隊之制魏正始三年歲在甲子被癸丑詔書
割河南郡鞏縣自關以東創建滎陽郡并戶二萬
五千以南鄉築滎陽城鄉亭侯李勝字公照爲郡守
顧原武典農校尉政有遺惠民爲立祠於城北五

水經注

卷七

十一

里號曰李君祠廟前有石蹠蹠上有石的

按會稽記縣東

有射的山山有石壁方二丈餘的如射侯則此石的即其類也

石的銘具存其略

曰百族欣戴咸推厥誠今猶祀禱焉索水又東逕
周苛冢北漢祖之出滎陽也令御史大夫周苛守
之項羽拔滎陽獲苛曰吾以公爲上將軍封三萬
戶侯能盡節乎苛瞋目罵羽羽怒烹之索水又東
流北屈西轉北逕滎陽城東而北流注濟水杜預
曰旃然水出滎陽成臯縣東入汴春秋襄公十八
年楚伐鄭右師涉潁次于旃然卽是水也濟渠水

前卷注云水
澤所聚謂之都亦
自勝則都字無可
疑也 史記凡高
水字皆都

斷汴溝唯承此始故云吸受旃然矣亦謂之鴻溝

水蓋因漢楚分王指水為斷故也郡國志曰滎陽

有鴻溝水是也蓋因城地面變名為川流之異且

濟水又東逕滎陽澤北故滎水所都疑作也京相

璠曰滎澤在滎陽縣東南與濟隧合濟隧上承河

水於卷縣北河南逕卷縣故城東又南逕衛雍城

西春秋左傳襄公十一年諸侯伐鄭西濟於濟隧

杜預闕其地而名之水也京相璠曰鄭地也言濟

水滎澤中北流至衛雍西與出河之濟濟水伏流

水經注

八卷七

故謂之出會南去新鄭百里斯蓋滎播漢志河濟

往復逕通矣出河之濟即陰溝之上源也濟隧絕

焉故世亦或謂其故道為十字溝自于岑造八激

堤於河陰水脉徑斷故瀆難尋又南會于滎澤然

水既斷民謂其處為滎澤春秋衛侯及翟人戰於

滎澤而屠懿公弘演報命納肝處也呂氏春秋云

八食之遺其肝弘演使返報命有垂隴城濟瀆出

其北春秋文公三年左傳作晉士穀盟于垂隴者

也京相璠曰垂隴鄭地今滎陽東二十里有故隴

譚云必能推
心置腹方肯
剖腹納肝

城卽此是也。世謂之都尉城。蓋滎陽典農都尉治。故變垂隴之名矣。澤際又有沙城。城左佩濟瀆。竹

書紀年。梁惠成王九年。王會鄭釐侯于巫沙者。瀆

際有故城。世謂水城。非也。史記秦昭王四十二年

魏冉攻魏。走芒卯。入北宅。竹書作宅卽故宅陽城也。竹

書紀年曰。惠王十三年。王及鄭釐侯盟于巫沙。竹

書巫沙之盟。是以釋宅陽之圍歸釐于鄭者也。竹

顯王十一年事。書紀年。晉出公六年。齊鄭伐衛。荀瑤城宅陽。俗言

水城。非矣。濟水自澤東出。卽是始矣。王隱曰。河決

水經注

入卷七

爲滎。濟水受焉。故有濟堤矣。爲北濟也。濟水又東

南。逕釐城東。春秋經書公會鄭伯于時來。左傳所

謂釐也。京相璠曰。今滎陽縣東四十里。有故釐城

也。濟水又合黃水。黃水發源京縣黃淮止。止一作山宋本

作上東南流。名祝龍泉。泉勢沸湧。狀若巨鼎。湯湯西

南流。謂之龍項口。世謂之京水也。又屈而北注。魚

子溝水入焉。宋本作北注于濟魚水入焉水出石暗澗。東北流。

又北與澁澁水合。水出西谿。東流。水上有連理樹。

其脫柞櫟也。南北對生。凌空交合。谿水歷二樹。

柞櫟卽連理樹

之間。東流注于魚水。魚水又屈而西北注黃水。黃水又北逕高陽亭東。又北至故市縣。重泉水注之。水出京城西南小。宋本陸山東北流。又北流逕高陽亭西。東北流注于黃水。又東北逕故市縣故城南谿。高帝六年封閭澤赤爲侯國。屬縣也。黃水又東北至滎澤南。分爲二水。一水北入滎澤。下爲船塘。俗謂之邾城陂。東西四十里。南北二十里。竹書穆天子傳曰。甲辰天子浮于滎水。乃奏廣樂。是也。一水東北流。卽黃雀溝矣。穆天子傳曰。壬寅天子

水經注

卷七

東至于雀梁者也。又東北與靖水枝津合。二水之合爲黃泉。北流注于濟水。

又東過陽武縣北

濟水又東南流入陽武縣。歷長城東南流。浪蕩渠出焉。

濟水又東北流。南濟也。逕陽武縣故城南。

王莽更名之曰陽桓矣。又東爲白馬淵。淵東二里。南北一百五十步。泉流名爲白溝。又東逕房城北。

穆天子傳曰。天子里圃田之路。東至于房疑。

卽斯城也。郭注云：以爲趙郡房子也。余謂穆王田鄭圃田郭以趙之房邑爲疆，更爲非矣。

濟水又東，逕封丘縣南。

又東，逕大梁城北東左。

宋本作南一作又

逕倉垣城，又東

逕小黃縣之故城北。縣有黃亭，說濟

疑作臨溝

又謂之

曰黃溝縣，故陽武之東黃鄉也。故

疑脫因字

水以名縣

沛公起兵野戰，喪皇妣于黃鄉。天下平定，乃使使

者，以梓宮招魂幽野。於是丹旒自水濯洗，入于梓

宮。

丹旒當作丹蛇。陳留風俗傳云：有丹蛇在水，自洒濯之，入于梓宮。

其浴處有遺

譚云茫昧之事，蛇旒俱足與。

水經注

卷七

十六

髮焉。故謚曰昭靈夫人，因作寢以寧神也。

濟水又東，逕東昏縣故城北。

武陽縣之戶牖鄉矣。漢丞相陳平家焉。平少爲社

宰，以善均肉稱。今民祠其社，平有功於高祖，封戶

牖侯。是後置東昏縣也。王莽改曰東明矣。

濟水又東，逕濟陽縣故城南。

故武父城也。城在濟水之陽，故以爲名。王莽改之

曰濟前者也。光武生濟陽宮，光明照室，卽其處也。

東觀漢記曰：光武以建平元年生於濟陽縣，是歲

有嘉禾生一莖九穗大於凡禾縣界大熟因名曰秀

又東過封丘縣北北濟也

白滎澤東逕滎陽卷縣之武修亭南春秋左傳成

公十五年

左傳作十年

鄭子然盟于修澤者也鄭地矣

杜預曰卷東有武修亭

濟水又東逕原武縣故城南

春秋之原圃也穆天子傳曰祭父自圃鄭來謁天

子夏庚午天子飲于洧

一作涌

上乃遣祭父如圃鄭

水經注

卷七

十七

是也王莽之原桓矣濟瀆又東逕陽武縣故城北

又東絕長城築也案竹書紀年梁惠成王十二年

龍賈率師築長城于西邊自亥谷以南鄭所城矣

竹書云是梁惠王十五年築也郡國志曰長城自

卷逕陽武到密者是矣

濟瀆又東逕酸棗縣之烏巢澤北

澤有故亭晉太康地記曰澤在酸棗之東南

據宋本改

昔曹太祖納許攸之策破袁紹軍處也濟瀆又東

逕封丘縣南燕縣之延鄉也其在春秋為長丘焉

澤云須知長城之築不獨

應劭曰左傳宋敗狄于長丘獲長狄緣斯是也漢高帝封翟盱濮水出焉濟瀆又東逕大梁城之赤亭北而東注

又東過平丘縣南北濟也

縣故衛地也春秋魯昭公十三年諸侯盟于平丘是也縣有臨濟亭田儋死處也又有曲濟亭皆臨側

濟水者又東過濟陽縣北濟也

自武父城北圈稱曰

圈稱曰三字衍按隋經籍志關駟撰十三洲志十卷漢議

水經注

卷七

十八

謂云衍之誠也恐當有別文

郎圈稱撰陳留風俗傳三卷

關駟曰在縣西北鄭邑也東逕濟

陽縣故城北圈稱陳留風俗傳曰縣故宋地也竹

書紀年梁惠成王三十年城濟陽漢景帝中元六

年封梁孝王子明為濟川王應劭曰濟川今陳濟

陽縣是也

又東過宛胸縣南又東過定陶縣南南濟也

濟瀆自濟陽縣故城南東逕戎城北春秋隱公二

年公會戎于潛杜預曰陳留濟陽縣東南有戎城

是也

濟水又東北，荷水東出焉。

濟水又東北，逕宛胸縣故城南。呂后元年封楚元

王子劉執為侯國。王莽之濟平亭也。

按漢表乃景帝封

濟水又東，逕秦相魏冉冢南。

冉，秦宣太后弟也。代客卿壽燭為相，封於穰，益封

于陶，號曰穰侯。富於王室。范雎說秦秦王，悟其擅

權，免相就封。出關，輜車千乘，卒于陶而因葬焉。世

謂之安平陵。墓南崩，碑尚存。

濟水又東北，逕定陶恭王陵南。

水經注

卷七

十九

漢哀帝父也。帝即位，母丁太后建平二年崩。上曰

宜起陵于恭皇之園，送葬定陶。貴震山東。王莽乘

政，貶號丁姬，開其槨戶，火出，炎四五丈。吏卒以水

沃滅，乃得入。燒燔槨中器物。公卿遣子弟及諸生

四夷十餘萬人，操持作具，助將作掘平。共王母傅

太后墳，及丁姬冢，二旬皆平。莽又周棘其處，以為

世戒。云時有羣鷲數千，銜土投于丁姬窆中。今其

墳冢巍然尚秀。隅阿相承，列郭數周，面開重門。南

門內夾道有崩碑二所。世尚謂之丁昭儀墓。又謂

項亦堅後

譚云此亦足備佳城之解

之長隧陵蓋所毀者傅太后陵耳。丁姬墳墓事也。書違不甚過毀。未必一如史說也。瀆南魏郡治也。

世謂之左城亦名之曰葬城蓋恭王之陵寢也。

濟水又東北逕定陶縣故城南。

側城東注也。

也字似譌疑當作此

縣故三醜國也。湯追桀伐

三醜即此。周武王封弟叔振鐸之邑也。故曹國。

宋本

作叔振鐸之邑故曹國也

漢宣帝甘露二年更濟陰為定陶國。

王莽之濟平也。戰國之世范蠡既雪會稽之耻乃變姓名寓之於陶為朱公以陶天下之中諸侯四

水經注

卷七

二十

通貨物之所交易也。治產致千金富好行德子孫修業遂致巨萬故言富者皆曰陶朱公也。

又屈從縣東北流南濟也。

又東北右合河水水瀆上承濟水於濟陽縣東世

謂之五丈溝又東逕陶丘北地理志曰禹貢定陶

西南有陶丘陶丘亭在南墨子以為釜丘也竹書

紀年魏襄王十九年薛侯來會王于釜丘者也尚

書所謂導河水自陶丘北謂此也河水東北出於

定陶縣北屈左合汜水汜水西分濟瀆東北逕濟

譚云古今稱富者必先陶朱公乃身止千金而子孫

亦僅巨萬且好德修業如

思之

譚云水決復入之汜音祀從已汜愛弘大之汜從已與汜同各是一水如此濶合則水義既譌水道亦錯矣

陰郡南爾雅曰濟別為澮呂忱曰水決復入為汜廣異名也汜水又東合于河瀆昔漢祖既定天下即帝位於定陶汜水之陽張晏曰汜水在濟陰界取其汜愛弘大而潤下也汜水名於是乎在矣汜水又東北逕定陶縣南又東北右合黃水枝渠渠上承黃溝東北合河而北注濟瀆也

二月十六日丙夜月極微重于昏未睡所未有也



水經注

八卷七

二十一